

XYCOVAA FILM-COATED TABLET

Losartan Potaasium (50mg, 100mg)

Apakah yang ada pada risalah ini

1. Apakah kegunaan Xyvovaa
2. Bagaimana Xyvovaa berfungsi
3. Sebelum menggunakan Xyvovaa
4. Cara menggunakan Xyvovaa
5. Semasa menggunakan Xyvovaa
6. Kesan-kesan sampingan
7. Cara penyimpanan dan pelupusan Xyvovaa
8. Maklumat lanjut
9. Pengilang dan Pemegang Product Pendaftaran
10. Tarikh kemaskini RiMUP
11. Nombor siri

Apakah kegunaan Xycovaa

Xycovaa adalah satu angiotensin II reseptor antagonis yang mengurangkan tekanan darah. Jika anda mengalami tekanan darah tinggi dan penebalan di bahagian kebuk ventrikel jantung kiri, doktor anda telah memberi preskripsi Xyvovaa untuk membantu mengurangkan risiko kejadian kardiovaskular, seperti strok.

Xyvovaa juga memberi penjagaan kepada buah pinggang dengan melambatkan kerosakan penyakit buah pinggang bagi pesakit diabetis jenis 2 dengan protein dalam air kencing (*proteinuria*). Penyakit buah pinggang boleh diukur dengan memeriksa protein dalam air kencing.

Bagaimana Xycovaa berfungsi

Xyvovaa berfungsi dengan mengendurkan saluran darah bagi memudahkan jantung untuk mengepam darah ke semua bahagian dalam badan anda. Ini membantu mengurangkan tekanan darah tinggi. Xyvovaa juga membantu mengurangkan risiko kejadian kardiovaskular, seperti serangan strok bagi pesakit tekanan darah tinggi dengan penebalan sebelah kiri ventrikel. Tambahan kepada kesan tekanan darah ini, Xyvovaa juga membantu melindungi buah pinggang anda jika anda menghidap diabetes jenis 2 dengan protein dalam air kencing.

Sebelum mengambil Xycovaa

Bila tidak boleh mengambil

Jangan ambil ubat ini jika anda:

- alah dengan sebarang bahan dalamnya.

- ada penyakit diabetes and mengambil ubat *aliskiren* untuk mengurangkan tekanan darah.

Sebelum mula mengambil

Sila beritahu doktor atau ahli farmasi anda:

- tentang sebarang masalah kesihatan yang anda sedang alami atau telah alami, dan tentang sebarang alahan.
- jika baru-baru ini mengalami muntah yang berlebihan atau cirit-birit.
- jika anda mempunyai penyakit hati atau penyakit buah pinggang.
- jika anda sedang menggunakan ubat-ubat lain yang boleh meningkatkan aras kalium di dalam serum

Jika mengambil lain-lain ubat

Pada amnya, Xyvovaa tidak bertindak balas dengan makanan atau ubat lain yang anda ambil. Walau bagaimanapun, anda perlu memberitahu doktor tentang ubatan lain yang anda sedang ambil atau merancang untuk ambil, termasuk yang diperolehi tanpa preskripsi.

Ianya penting bagi anda memberitahu doktor anda jika anda mengambil

- tambahan kalium
- agen *sparing*-kalium
- penganti garam yang mengandungi kalium atau ubat-ubat lain yang boleh meningkatkan aras kalium di dalam serum (misalnya produk yang mengandungi *trimethoprim*),
- ubat penahan sakit tertentu dan ubat arthritis
- ubat tekanan darah yang lain
- *litium* (sejenis ubat yang digunakan untuk merawat penyakit kemurungan)
- jus limau gedang (yang harus dielakkan semasa mengambil Xycovaa)

Cara mengambil Xycovaa

Berapa banyak harus diambil

Doktor anda akan menentukan dos Xycovaa yang sesuai, terpulung pada keadaan anda dan sama ada anda mengambil ubat lain.

Tebaran darah tinggi

Dos biasa Xycovaa bagi kebanyakan pesakit tekanan darah tinggi ialah 50 mg

yang diambil sekali sehari bagi mengawal tekanan darah untuk tempoh 24 jam.

Dos biasa Xycovaa bagi pesakit tekanan darah tinggi yang mengalami penebalan bahagian kiri ventrikel jantung ialah 50 mg yang diambil sekali sehari. Dos mungkin ditambah kepada 100 mg untuk diambil sekali setiap hari.

Diabetes Jenis 2 dengan Protein dalam air kencing

Dos biasa Xycovaa bagi hampir semua pesakit ialah 50 mg yang diambil sekali sehari. Dos boleh ditambah kepada 100 mg untuk diambil sekali sehari.

Bila perlu digunakan

Amil Xycovaa setiap hari, seperti yang telah diarahkan oleh doktor anda. Xycovaa boleh diambil dengan makanan atau tanpa makanan. Untuk menyenangkan dan membantu anda untuk ingat, cuba ambil Xycovaa pada waktu yang sama pada setiap hari.

Berapa lama perlu diggunakan

Adalah penting untuk meneruskan pengambilan Xycovaa selama yang dipreskripsi oleh doktor anda bagi mengekalkan kelancaran pengawalan tekanan darah anda.

Jika terlupa menggunakan

Cuba ambil Xycovaa setiap hari seperti yang dipreskripsi. Walau bagaimanapun, jika anda tertinggal mengambil satu dos, jangan ambil dos yang berganda. Mulakan pengambilan biasa seperti yang telah dijadualkan.

Jika mengambil berlebihan

Jika mengambil terlebih dos, segera hubungi doktor anda supaya rawatan perubatan boleh diberi dengan segera.

Semasa mengambil Xycovaa

Perkara yang harus dilakukan

- Ambil ubat anda mengikut arahan doktor.
- Maklumkan kepada semua doktor, doktor gigi dan ahli farmasi yang merawat anda bahawa anda sedang mengambil Xycovaa.

XYCOVAA FILM-COATED TABLET

Losartan Potaasium (50mg, 100mg)

- Beritahu doktor anda dengan segera jika anda menjadi hamil semasa mengambil ubat ini.

Perkara yang tidak boleh dilakukan

- Jangan berhenti mengambil ubat ini kecuali diarahkan oleh doktor anda.
- Jangan mula mengambil sebarang ubat baru tanpa berbincang dengan doktor anda.
- Jangan berkongsi Xycovaa dengan sesiapa, walaupun mereka mempunyai simptom atau penyakit yang sama.

Perkara yang perlu diberi perhatian

Walaupun Xycovaa mengandungi sejumlah kecil kalium, ia tidak boleh menggantikan tambahan kalium. Jika doktor anda telah mempreskripsi tambahan kalium, teruskan mengikut nasihat doktor.

Penggunaan semasa hamil dan menyusu

Pengambilan Xycovaa semasa anda hamil atau menyusu tidak digalakkan. Xycovaa boleh menyebabkan kemudaratan atau kematian kepada bayi dalam kandungan. Berbincang dengan doktor anda tentang cara-cara lain untuk mengurangkan tekanan darah anda jika anda merancang untuk menjadi hamil. Jika anda menjadi hamil semasa pengambilan Xycovaa, beritahu doktor anda dengan segera.

Penggunaan oleh kanak-kanak

Penggunaan Xycovaa dalam kalangan kanak-kanak telah kaji. Untuk maklumat lanjut sila berbincang dengan doktor anda.

Penggunaan oleh orang tua

Xycovaa berkesan dalam merawat pesakit golongan orang tua dan yang muda. Kebanyakan pesakit yang lebih berumur memerlukan dos yang sama dengan pesakit yang lebih muda.

Penggunaan oleh pesakit bangsa kulit hitam yang mempunyai tekanan darah tinggi dan penebalan bahagian kiri ventrikel

Dalam satu kajian ke atas pesakit tekanan darah tinggi dengan penebalan di kebuk ventrikel jantung kiri, Xycovaa telah menunjukkan penurunan risiko serangan

strok dan serangan jantung, serta membantu pesakit hidup lebih lama. Walau bagaimanapun, dalam kajian ini, bila kebaikan ini dibandingkan dengan ubat antihipertensif lain yang dikenali *atenolol*; ianya tidak berkesan pada pesakit bangsa kulit hitam.

Bolehkah saya memandu atau mengendalikan mesin semasa mengambil COZAAR?

Hampir semua pesakit boleh, tetapi anda tidak boleh melakukan aktiviti yang memerlukan perhatian khusus (seperti, memandu kereta atau mengendalikan alat mesin yang merbahaya) sehingga anda tahu tahap toleransi anda terhadap ubat.

Kesan-kesan sampingan

Semua ubat mungkin mempunyai kesan yang tidak dijangka atau diingini yang dipanggil kesan sampingan. Sesetengah pesakit mungkin mengalami pitam, keletihan, ringan kepala, kemerahan, kegatalan, perubahan deria rasa, muntah-muntah atau peningkatan sensitiviti kulit terhadap cahaya matahari. Doktor anda atau ahli farmasi mempunyai senarai yang lebih lengkap. Beritahu doktor anda atau ahli farmasi dengan segera tentang perkara ini atau sebarang simptom yang luar biasa.

Sesetengah pesakit, terutamanya mereka yang mengalami diabetes jenis 2 dengan protein dalam air kencing, mungkin juga akan mengalami peningkatan tahap kalium dalam darah mereka.

Jika anda menghidapi penyakit buah pinggang dan diabetes jenis 2 dengan protein dalam air kencing, dan/atau sedang mengambil tambahan kalium, agen *sparring*- kalium atau pengganti garam yang mengandungi kalium, anda perlu beritahu doktor anda.

Jika anda mengalami reaksi alahan yang melibatkan bengkak pada muka, bibir, tengkuk dan/atau lidah yang menyebabkan susah untuk bernafas atau menelan, berhenti mengambil Xycovaa dan hubungi doktor anda dengan segera. Anda boleh melaporkan sebarang kesan sampingan atau kesan advers ubat terus kepada Pusat Pemantauan Kesan Advers Ubat Kebangsaan melalui laman web npra.gov.my [*Consumers* → *Reporting*

Side Effects to Medicines (ConSERF) or Vaccines (AEFI)].

Cara penyimpanan dan pelupusan Xycovaa

Penyimpanan

Simpan di bawah 30°C. Lindungi dari cahaya dan kelembapan.

Janagan buka pek lepek sehingga anda bersedia untuk mengambil ubat.

Jauhi dari kanak-kanak.

Janagan ambil ubat ini selepas tarikh luput.

Pelupusan

Janagan guna ubat ini selepas tarikh bulan dan tahun yang tertulis pada bekas. Anda boleh mendapatkan maklumat lanjut dari doktor anda atau ahli farmasi yang mempunyai maklumat lebih terperinci.

Maklumat lanjut

Rupa dan warna produk

Xycovaa Film-Coated Tablet 50mg: Tablet putih bersalut filem, bujur, cembung dengan tanda "Z" pada sebelah permukaan dan kosong di belakang.

Xycovaa Film-Coated Tablet 100mg: Tablet putih bersalut filem, bulat, cembung dengan tanda "Z" pada sebelah permukaan dan kosong di belakang.

Didapati dalam blister strips 10's di dalam kotak bungkusan 30 tablet.

Bahan-bahan kandungan

Bahan aktif:

Losartan Potassium

Bahan-bahan tidak aktif

Tablet core:

Microcrystalline Cellulose, Lactose Monohydrate, Starch, Colloidal Silicon Dioxide, Magnesium Stearate,

Film Coat

Hydroxypropyl Cellulose, Hypromellose, Purified Stearic Acid and Titanium Dioxide

MAL number

MALxxxxxxxXA

Pengilang dan Pemegang Produk Pendaftaran

XYCOVAA FILM-COATED TABLET

Losartan Potaasium (50mg, 100mg)

Xepa-Soul Pattinson (Malaysia) Sdn Bhd
1-5 Cheng Industrial Estate,
75250 Melaka,
Malaysia.

Tarikh kemaskini RiMUP

22/07/2024

Nombor siri

NPRA (R2) 23/249